



**Kurtzer Bericht Wie man sich in sterbenden leufften der
zagheit erwehren, zu Gott schicken, die seel erquicken, vnd in
todsnöten trösten sol:**

<https://hdl.handle.net/1874/452587>

5

Kurzer Bericht
Wie man sich in
sterbenden leufften der zag-
heit erwehren / zu Gott schicken /
die seel erquickten / vnd in todes-
nöten trösten sol:

Gesellet
Durch Danielem Tossanum.



Gedruckt in der Churfürstlichen
Statt Heydelberg / bey Hieronymo
Commelino.


ANNO MDLXVI.

Handwritten text, likely a title or address, appearing as bleed-through from the reverse side of the page. The text is mirrored and difficult to decipher.

Handwritten text, possibly a name or title, appearing as bleed-through from the reverse side of the page.



Handwritten text at the bottom of the page, appearing as bleed-through from the reverse side. The text is mirrored and difficult to decipher.



Kurzer Bericht

Wie man sich in sterbenden
leufften der zagheit erwehren / zu
Gott schicken / die seel erquickten/
vnd in todsnöden trösten sol.



S wirdt nicht verge-
bens im wort Gottes ge-
strafft / daß der könig Assa 2 Chron. 16.
in seiner franckheit nicht
den Herren / sondern die är-
zte suchet: verließ sich also

mehr auff menschen vnd eusserliche mittel/
als auff den wahren allmächtigen vnd le-
bendige Gott / der allein macht hat zu töten Deuter. 32.
vnd lebendig zu machen / wen er wil: vñ der
einen ieden sehr wol finden kan / es verberge
sich einer gleich wo er meint am sichersten
zu seyn / wie der königliche prophet David
erinnert Psalm. 139: Wo sol ich hingehen
für deinem geist / vnd wo sol ich hinfliehen
für deinem angesicht? Gleich nun / wie man
in schwebenden franckheiten die arzneyen
vnd dergleiche mittel keines wegs verachten

sol/ vnd sehr wol angesehen / daß durch an-
ordnung der Oberkeit kurtzer bericht auß-
gangen für den gemeinen mann/ wie er sich
in sterbenden leufften den leib zubewahren/
oder zu heylen / halten / vnd was er im fall
der not gebrauchen sol. Also ist noch mehr/
ja vor allen dingen vonnöten/ daß die seel in
acht genommen / vnd guter raht gegeben
werde / welcher gestalt so wol gesunden als
francken sich gegen Gott verhalten / vnd in
der not erquickten vnd trösten mögen/ damit
sie im leben vnd sterben frisch / wacker vnd
freudig / vnd des wahren lebens versichere
seyen / auch in ansehung / daß nit alle fran-
cken die gelegenheit haben Prediger vnd
Diener des Göttlichen worts bey sich zu
haben / vnd die leut oft mit geschwinden
franckheiten vberleitet werden / vnd nicht
warten sollen biß inen die seele auß dem leib
gehet / sondern vil mehr sich zeitlich gefaßt
machen/ auff daß (es schicke es darnach der
allmächtige Gott wie er wil) sie in guter
bereitschafft sunden werden / vnd mit dem
gottseligen alten mann Simeon sprechen
mögen / Nun lässestu deinen diener im friso-
den fahren/ wie du gesagt hast. Wollen
disem nach in disem vnserm bericht folgens
de vier puncten erörtern / vnd auß Gottes
wort erklären:
Erste

Lucx 2.

Erstlich/ wie sich die gesunden/ die noch nicht von der Franckheit angegriffen seind/ halten sollen/ damit sie einen frischen/ freudigen mut behalten / vnd ihre sachen mit Gott recht stehen.

Zum andern/ von sonderbaren preseruativen / oder schirmen wider die forcht vnd das schrecken/ welches/ wie die ärzt selbs bekennen/ bey sterbenden leufften sehr schädlich vnd gefährlich ist.

Zum dritten/ da einer von solcher schwebenden Franckheit angegriffen / wie er sich schicken vnd stellen sol / sonderlich wann die Franckheit vberhand nimpt / vnd die kräfte des leibs abnehmen.

Endlich vnd zum vierten/ wann es besser wirdt/ vnd einer wider auff kompt / was da vnser ampt vnd thun seyn sol.



Von dem ersten/
Wie sich die gesunden halten
sollen.

SEhr wol erinnert der weise
mann Salomon im 12 capitel des
Predigers / Gedencck an deinen
Schöpffer in deiner jugend / ehe dann die
böse tage kommen / ehe es finster werde / daß
Der staube muß doch wider zur erden kom-
men / wie er gewesen ist: vnd der Geist wider
zu Gott / der ihn gegeben hat. An seinen
Schöpffer aber dencken / heist nicht allein
dencken daß vns Gott erschaffen / sondern
auch was er vns verheissen / vnd schon allbe-
reit gegeben hab / vnd hergegen / was er vns
befohlen / vnd wie wir vns gegen einen sol-
chen Schöpffer verhalten sollen / damit wir
seiner wolthaten genießen / vnd ein frisches
guts Gewissen behalten mögen. Sehr zu-
beklagen ist es / daß vnser gedancken von
Gott so gar kalt vnd schwach bey vns seind /
ja selten / vnd etwan im fürüber gehen ins
herz kommen. Vnd ist aber gewiß / daß ei-
nes frommen herzens lust / freud vnd trost
stehet / wie der Prophet Esaias spricht cap-
26: Zu dem namen des Herrn / vnd seinem
gedächts

gedächtnus. Darumb sol ein Christmensch
 offtermals dencken / wer der sey / der hünnel /
 erden / lufft / vnd alle element / wie auch die
 menschen erschaffen / vnnnd dieselbige nach
 seinem Götlichen willen regiert / der vnser
 zeit in seiner hand hat: also / daß ohne vnd
 wider seinen willē vns kein vbel anrühren / ja
 kein härlein auff dem kopff gekrümet werde
 mag. Derselbige ewige / allmächtige Gott
 zwar sucht vnser missethat heim / vnd als
 ein gerechter Gott sendet mancherley strafs
 sen: Ist aber darbey ein erbarmer vnd ersö
 ser / demnach wir durch Christum mit ihm
 versöhnet seind: Dann also spricht er zum
 Abraham / Fürchte dich nicht Abram / Ich Genes. 15.
 bin dein schilt / vnd dein sehr grosser lohn.
 Item / Ich bin der allmächtige Gott / wan Genes. 17.
 dele für mir vnd sey fromb / vnd ich wil mei
 nen bund zwischen mir vnd dir machen / vñ
 wil dich fast sehr mehren. Vnd im andern
 buch Moses läßt Gott der H E R R seinem cap. 15.
 volck sagen / Würstu der stimme des Herrn
 deines Gottes gehorchen / vnd thun was
 recht ist für ihm / so wil ich der krankheit kei
 ne auff dich legen / die ich auff Egypten ge
 legt habe / Dann ich bin der H E R R / dein
 arzet. Vnd im fünfften buch Moses: Vñ cap. 32.
 ser fels ist nit wie der Heyden fels: des seind

vnserer feind selbs richter: Sehet zu/ sprichet
 der HERR/ daß ichs allein bin/ vnd ist kein
 Gott neben mir/ Ich kan tödten vnd lebens-
 dig machen/ Ich kan schlagen vnd kan heyl-
 len: vnd ist niemand der auß meiner hand
 errette: Ich lebe ewiglich. Mit solchen ged-
 dancken von Gott dem allmächtigen hat
 sich offft der königliche Prophet David in
 grossen vnd schweren ansechtungen getrü-
 stet/ vnd seinen schwachen glauben vnder-
 stühet/ wie zu sehen/ Psalm. 62. Gott hat
 ein wort geredt/ das hab ich etlich mal gehö-
 ret/ daß Gott allein mächtig ist: Vnd du
 Herr bist gnedig/ vnd zalest einem ieglichen
 wie ers verdienet. Vnd Psal. 73. Israel
 hat dennoch Gott zum trost/ wer nur reines
 herkens ist. Ich hette gleichwol schier ge-
 strauchelt mit meinen füßen. Aber es that
 mir wehe im herzen/ daß ich so töricht ge-
 wesen war: Dennoch bleib ich stehis an dir/
 dann du hieltest mich bey meiner rechten
 hand: Du leytest mich nach deinem rath/
 vnd nimst mich endlich mit ehren an. Wann
 ich nur dich hab/ so frage ich nichts nach
 himmel vnd erden: Wann mir gleich leib
 vnd seel verschmacht/ so bistu doch Gott all-
 zeit meines herkens trost/ vnd mein theil.
 Das ist meine freude/ daß ich mich zu Gott
 halte/

halte / vnd meine zuversicht setze auff den
 Herren Herren / das ich verkündige allein
 dein thun. Item im 77. Psalm. in sehr
 grossen betrübnuß sprach David: Wil
 dann der Herr ewiglich verstoßen? Hat daß
 Gott vergessen gnedig zu seyn / vnd seine
 barmherzigkeit für zorn verschlossen? Aber
 doch sprach ich / Ich muß das leiden / die
 rechte hand des Höchsten kan alles ändern:
 Darum gedencke ich an die thaten des Her-
 ren / Ich gedacht an die vorige wunder / vñ
 rede von allen deinen wercken / vnd sage von
 deinem thun. Gott / dein weg ist heilig: Wo
 ist so ein mächtiger Gott / wie du ein Gott
 bist: du bist der Gott der wunder thut: du
 hast deine macht bewiesen vnder den Völs-
 kern: du hast dein volck erlöset gewaltig-
 lich: du führest dein Volck wie ein Herd
 schaaf durch Mosen vnd Aaron. Vnd im
 89. Psalm. Herr Gott Zebaoth / Wer ist
 wie du ein mächtiger Gott / vnd deine war-
 heit ist omb dich her. Du herrschest vber das
 vngestümme meer / du stillest seine Wellen /
 wann sie sich erheben. Himmel vnd erden
 ist dein: Du hast gegründet den erdboden /
 vnd was darinnen ist: Du hast einen ge-
 waltigen Arm / stark ist deine Hand / vnd
 hoch ist deine Rechte: Gerechtigkeit vnd ge-

richt ist deines stuls vestung: gnad vnd war-
 heit seind für deinem angesicht: Wol dem
 volck / daß die rechte weise zu jauchen kan:
 Solche leut werden im liecht deines antlitz
 wandeln: Sie werden ober deinem Namen
 täglich frölich seyn / vnd in deiner gerechtig-
 keit herzlich seyn / dann du bist der ruh in irer
 stärke / vnd durch deine gnad wirstu vnser
 macht erhöhen: Dann der Herr ist vnser
 schilt / vnd der Heilig in Ysrael ist vnser kö-
 nig. Solche Christliche daffere gedancken
 hat David von Gott gefast / vnd manch-
 mal sich damit in grossen nöten getröstet /
 wie er zeuget Psalm. 94. Ich hette vil be-
 kümmeruissen in meinem herzen / aber dei-
 ne tröstunge ergעהen meine seele. Nun seind
 andere vil mehr zeugnussen bey den heiligen
 Propheten von denen beyden puncten / die
 man von Gott fassen / vñ wol mercken / vnd
 behalten sol / nemlich / daß dise Welt / die
 lufft / vnd vnser leiber / ja alle element niche
 also vngefahr / sonder durch Gottes / als des
 Schöpfers weisheit regirt werden / daß er
 gute vnd böse lufft / fruchtbare vñ vn-
 fruchtbare jar / gesundheit vnd krankheit /
 nach dem er entweder straffen / oder gnad
 erzeugen / vnd vns zur busse vnd bekehrung
 auffmundern wil / sendet. Zum andern /
 daß

daß er solcher gestalt straffet / daß er sein
 väterlich herz nit ableget / vnd seine gnad
 von seinen lieben kindern nicht wendet / an
 welchen er seine treuwe warheit nimmer
 würde fehlen lassen. Dises alles sol ein Chris-
 tenmensch zu gemüt führen / vnd solche ge-
 dancken von Gott dem Herren schöpfen /
 sonst würde ein mensch stets zweifeln / vnd in
 der irz gehen / der entweder Gottes allmacht
 vnd vorsehung nicht bedencken thut / oder
 aber sich mit dem Gesetz allein auffhelt / vñ
 neben seiner macht vnd gerechtigkeit / die im
 Euangelio geoffenbaret barmherzigkeit
 nicht betrachtet vnd ihm zueignet. Damit
 nun fromme herzen in solchem heylsamem
 erkantnis Gottes desto besser gegründet
 seyen / sollen auch folgende sprüch behers-
 get werden / als Esa. 8. da Gott der Herr
 also spricht / Fürchtet euch nicht / wie andere
 völker thun / vnd lasset euch nit grauwen /
 sondern heiliget den Herren Zebaoth / den
 lasset euwer forcht vnd schrecken seyn. Vnd
 Esa. 14. Der Herr Zebaoth hat geschwo-
 ren vnd gesagt / Was gilts / es sol gehen wie
 ich dencke / vnd sol bleiben wie ichs im sinn
 habe: Der Herr Zebaoth hats beschlossen /
 wer wils wehren? Vnd seine hand ist auß-
 gereckt / wer wil sie wenden? Vnd Esa. 30.

Darumb harret der H^{er}r / daß er gnedig
 sey / vnd hat sich auffgemacht / daß er sich
 euwer erbarme. Dañ der Herz ist ein Gott
 des gerichtis / Wol allen die sein harren: Du
 wirst nicht weinen / er wirdt dir gnedig seyn /
 wann du ruffest: Er wirdt dir antworten / so
 bald ers höret: Vnd der Herz wirdt euch in
 trübsal brot / vnd in ängsten wasser geben.
 Vnd im 43. cap. Ich bin der Herz / euwer
 heilige / der ich Israel geschaffen habe: eu-
 wer König / der im meer weg / vnd in star-
 cken wassern ban macht: Ich bin der Herz /
 vnd auffer mir ist kein Heyland. Vnd im
 44 capitel / So spricht der Herz dein Erlö-
 ser / der dich von mutterleib hat zubereitet /
 Ich bin der H^{er}r der alles thut / der den
 himmel außbreitet allein / vnd die erde weit
 macht ohn gehülffen. Vnd im 45 capitel /
 Israel wirt erlöset durch den Herzen / durch
 ein ewige erlösung / vnd wirt nicht zu schan-
 den / noch zu spott inñer vnd ewiglich. Wen-
 det euch zu mir / so werdet ihr selig aller welt
 ende. Dann ich bin Gott / vnd keiner mehr:
 Mir sollen sich alle knie beugen / vnd alle
 zungen schweren / vnd sagen / Im H^{er}ren
 hab ich gerechtigkeit vnd stercke. Vnd Esa-
 46. Gedencet des vorigen von alters her /
 dann ich bin Gott vñ keiner mehr / ein Gott
 des

deß gleichen nirgend ist: der ich verkündige
 zuvor/ was hernach kommen sol / vnd vorz
 hin ehe dann es geschicht/ vnd sage/ Mein
 anschlag bestehet / vnd ich thue alles was
 mir gefelt: Was ich sage/ das lasse ich kom
 men/ Was ich dencke / das thue ich auch.
 Vnd Esa. 51. Ich / ich bin euwer Tröster/
 spricht der Herz / Wer bistu dann / daß du
 dich für menschen fürchtest / die als hew
 verzehret werden? vnd vergiffest des Herrn/
 der dich gemacht hat: Ich bin der Herz dein
 Gott/der das meer bewegt/daß seine wellen
 wühten. Also tröstet sich auch der Propheet
 Jeremias cap. 17. HERR du bist die hoff
 hoffnung Israel / alle die dich verlassen/
 müssen zu schanden werden: Dann sie ver
 lassen den Herrn / die Quell des lebendigen
 wassers. Heyle du mich Herz / so werd ich
 heyl: Hilff du mir/ so ist mir geholffen/ daß
 du bist mein ruhm : Sey du mir nur nicht
 schrecklich / meine zuversicht in der not.

Sonderlich aber ist vns das ganz Euanges
 lium ein schön bild der allmacht Gottes/der
 dem Teufel sein Reich verstorret hat: Seiner
 gerechtigkeit / der/ ehe er die sünd vnges
 straffe ließ hingehen / seinen sohn Jesum
 den bitteren/ schmälichen tod des creuzes has
 lassen leiden: Seiner vnaußsprechlichen

barmhertzigkeit/der seinen sohn für vns das
 hin gegeben. Das leben ist erschienen/spricht
 S. Johannes in seiner ersten epistel/am er-
 sten cap. Vnd wir haben gesehen vnd zeu-
 gen/vnd verkündigen euch das leben/das
 ewig ist/Was wir gesehen vnd gehört ha-
 ben/das verkündigen wir euch/auff das ihr
 mit vns gemeinschafft habe/vnd vnser ge-
 meinschaft sey mit dem Vatter/vnd mit
 seinem sohn Jesu Christo. Vnd S. Petr.
 2. ep. cap. 1. Wir haben nicht den klugen sa-
 beln gefolget/da wir euch künde gethan die
 krafft vnd ankunfft vnser Herr Christi:
 sonder wir haben seine herzigkeit selber ge-
 sehen/da er empfing von Gott dem vatter
 ehre vnd preis/durch eine stimme die zu ihm
 geschah von der grossen Herzigkeit/der-
 massen/Dies ist mein lieber sohn/an wel-
 chem ich wol gefallen hab. Vnd die summa
 dieses alles ist/das ein ieder Christenmensch
 gewis sey/das er durch solche wahre erkant-
 nis Gottes/der durch Christum mit vns
 versöhnet/vnd vns zu kindern angenom-
 men hat/selig werde/vnd von Heyden/Juden/
 Türcken/vnd alien abgöttischen/vngläus-
 bigen vnderscheiden/welche nicht wissen/
 was sie anbeten:Dieses aber ist das ewig les-
 ben/spricht Christus/Joh. 17. das sie dich/
 das

daß du der einige/warhafftige Gott bist/vñ
 den du in die Welt gesandt hast / Jesum
 Christum erkennen. Vnd das ist ein recht 1. Timotheus
 theures wort / daß der H^ER^R Jesus in die
 welt kommen ist / die armen sñnder selig zu
 machen. Nun ist aber nicht genug / wann
 wir an Gott gedencen / daß wir etwas fass
 sen von seinem ewigen/allmechtigen wesen/
 vnd von seiner vnermesslichen gnad / die er
 vns in Christo hat geoffenbaret / vnd erzei
 get: Sonder man sol auch bedencen / wie
 man sich gegen solchen Gott verhalten sol/
 vnd was er von vns fordert. Dasselbige leh
 ret vns Gott der H^ER^R selber / Deuter. 10.
 Israel was fordere der Herr dein Gott von
 dir / dann daß du den Herren deinen Gott
 fürchtest / in allen seinen wegen wandelst / in
 liebest / vnd dem Herren deinem Gott dieo
 nest von gankem herren vnd von ganket
 seelen. Vnd im 6. capitel des Propheten
 Micha / So man frage / Womit sol ich den
 Herren versöhnen mit bücken für dem hoz
 hen Gott? Sol ich mit brandopffern / vnd
 jährigen käubern ihn versöhnen? Meinstu
 der H^ER^R hab gefallen an vil tausent Wis
 dern? Es ist dir gesagt / mensch / was gut ist /
 vnd was der Herr von dir fordert / nemlich
 Gottes wort halten / vnd Liebe vben / vnd

Tit. 2.

demütig seyn für deinem Gott. Der heilig
 Apostel Paulus hat das ampt eines Chris-
 ten sein zusammen gefast / da er spricht / Es
 ist erschienen die heylsame gnad Gottes als
 len menschen / vnd züchtiget vns / daß wir
 sollen verleugnen das vngöttliche wesen / vñ
 die weltliche lüsten / vnd züchtig / gerecht /
 vnd gottselig leben in diser welt / vnd warten
 auff die selige hoffnung vnd erscheinung
 des grossen G. Dittes / vnd Heylands Jesu
 Christi / der sich selbs für vns gegeben hat /
 auff daß er vns erlösete von aller vngerech-
 tigkeit / vnd reiniget ihm selbs ein volck zum
 eigenthumb / das fleissig were zu guten wer-
 cken. Solches rede vnd ermahne / vnd straf-
 fe mit ganzem ernst. Also lehret auch S.
 Johannes im 3. cap. seiner ersten epistel /
 das sey Christi gebott / daß wir glauben an
 den namen seines sohns Jesu Christi / vnd
 lieben vns vnter einander / wie er vns ein ge-
 bott gegeben hat. Vnd in solchen stücken
 zwar / nemlich wahrer demut für G. Ditt /
 herzlichem glauben vnd vertrauen zu ihm /
 andächtiger anruffung / liebe des nechsten /
 mässigem leben vnd wandel / stehet die wahr-
 re gottseligkeit / welche zu allen dingen nutz
 ist / spricht S. Paulus / vnd hat verheissung
 dises vnd des zukünfftigen lebens. Zu rech-
 ter demut

E. Timoth. 4.

ter demut gehöret / daß ein Mensch seine
 nichtigkeit vnd sein elend recht erkenne / sich
 selbs verleugne / für Gott erkenne vnd bes
 fenne / wie Abraham / er sey nichts dann Genes. 18.
 staub vnd asche. Wie Job / Ich weiß fast Iob. 9.
 wol / daß also ist / daß ein mensch nicht rechts
 fertig bestehen mag gegen Gott. Er ist weis
 se vnd mächtig / wem ist es ie gelungen / der
 sich wider ihn gelegt hat: wer wil zu ihm sa
 gen / Was machstu? Vnd David / Wie Psalms. 39.
 gar nichts seind alle menschen / die doch so
 sicher leben: Sie gehen daher wie ein schatz
 ten / vnd machen ihnen vil vergeblicher vn
 ruhe: Nun Herz / wess sol ich mich trösten?
 Ich hoffe auff dich / errette mich von aller
 meiner sünde. Ich wil schweigen vnd mei
 nen mund nicht auffihun: Du wirst wol
 machen. Vnd Esaias / Wir seind alle cap. 64.
 sampt wie die vnreinen / vnd alle vnser ge
 rechtigkeit ist wie ein vnflätig kleyd: Wir
 seind alle verwelcket wie die bletter / vnd vn
 sere sünde führen vns dahin wie ein wind.
 Zur wahren demut gehöret auch gedult in
 trübsalen / daß wir vns vnder die gewaltige
 hand Gottes demütigen / erkennen vnser
 grosse schuld / vnd daß der gerechte Gott
 wol macht vnd fug hette vns tausent mal
 mehr straff auffzulegen / ja in abgrund der

Hellen zu'stürzen / wann er vns nach vns
 ferm verdienst straffen solt / wie dann in bes
 trachtung dessen der königlich prophet Da
 uid in dem 6. vnd abermal im 38. Psalm.
 herzlich bittet / daß in der allmächtige Gott
 nicht straffen wolle in seinem zorn / vñ nicht
 züchtigen in seinem grüñ / dann er wisse vnd
 fühle wol / daß von wegen seiner sünde
 nichts gesundes sey an seinem leib / vnd kein
 fried in seinen gebeinen. Zu solcher demut
 vnd gedult vermahnet vns auch der Pro
 phet Jeremias im 3. capitel der Klaglieder /
 Es ist ein köstlich ding / spricht er / gedultig
 seyn / vnd auff die hülff des Herren hoffen:
 Es ist köstlich ding einem mann / daß er das
 joch in seiner jugend trage. Dann Gott die
 menschen nicht von herzen plaget vnd bes
 trübt. Wer darff sagen / daß vns etwas be
 gegne ohn des Herren befehl? Wie murzen
 dann die leute im leben also? Ein ieglicher
 murze wider seine sünde / vnd lasset vns for
 schen vnd suchen vnser wesen / vnd vns zum
 Herrn befehren. Lasset vns vnser herrs samte
 den händen auffheben zu Gott im himmel /
 Wir haben gesündigt / vnd seind vngelors
 sam gewesen / daruñ hastu billich nicht vers
 schonet / sonder nhast vns mit zorn vbers
 schütet / 2c. Solche demut wirdt vns auch
 fürs

fürgehalten im 7. capitel des Propheten
 Micha / Ich wil des Herren zorn tragen/
 dann ich hab wider ihn gesündigtet / bis er
 meine sache außführe: Er wirdt mich ans
 liecht bringen/das ich meinen lust an seiner
 gnade sehe. Gleich nun wie die demut ent-
 springt auß der betrachtung vnsers elends/
 vnd armseligen wesens / also erweckt in vns
 der Glaub eine gute hoffnung / einen freu-
 digen mut vnd herzliche anruffung / durch
 die betrachtung der vilfältigen barmherzige-
 keit Gottes gegen vns: welche leuchtet in als
 len seinen wercken: ganz vortrefflich aber in
 der sendung seines eingebornen sohns / der
 da ist die versöhnung für vnser sünde / die
 aufferstehung vnd das leben: Von solcher
 güte Gottes singet David Psalm 36. Wie
 theuwer ist deine güte / o Herre Gott/ das
 menschen kinder vnder dem schatten deiner
 flügeln traumen: Sie werden gesettiget von
 den reichen gütern deines hauses / Vnd du
 trenckest sie mit wollust / als mit einem
 strom. Dann bey dir ist die lebendige quelle/
 vnd in deinem liecht sehen wir das liecht.
 Breite deine güte vber die / die dich kennen/
 vnd deine gerechtigkeit vber die frommen.
 Vnd Psalm. 56. Her: / sey mir gnedig / dan
 ich ruffe täglich zu dir. Erfreuwe die seel

deines knechts / dann nach dir / H^{er}z / ver-
 langet mich: Dann du H^{er}z / bist gut vnd
 gnedig / von grosser güte allen die dich an-
 ruffen / Vernehm H^{er}z mein gebett / vnd
 mercke auff die sⁱⁿn meines flehens. In der
 not ruffe ich dich an / du wollest mich erhö-
 ren. Weise mir Herz deinen weg / das ich
 wandele in deiner warheit. Erhalte mein
 h^{er}z bey dem einigen / das ich deinen namen
 fürchte. Ich dancke dir Herz mein Gott /
 von ganzem h^{er}zen / vñ ehre deinen namen
 ewiglich / Dann deine güte ist groß vber
 mich / vnd hast mein leben errettet auß todts-
 gefahr. So richtet sich S. Paulus im glau-
 ben auff 2. Timoth. 1. Ich leide / aber ich
 schäme michs nicht / Dann ich weiß an wel-
 chen ich glaube / Vnd bin gewis / das er mir
 kan meine beylag bewahren bis an jenem
 tage. Sollen wir aber recht vñ mit der war-
 heit vns trösten der vberschwenglichen gnas-
 den Gottes / so gebüret sichs / wie er vns so
 herrlich geliebet hat / das wir vns auch ein-
 ander herrlich lieben / nit mit worten / son-
 dern mit der that. Wan iemand / spricht S.
 Johannes / diser welt güter hette / vnd sehe
 seinen bruder darben / vnd schliesse sein h^{er}z
 für ihm zu / wie blieb die liebe Gottes bey
 ihm? Meine kindlein / lasset vns nicht lieben
 mit

mit Worten / noch mit der zungen / sondern
mit der that vnd mit der warheit / Daran
erkeñen wir / das wir auß der warheit seind /
vnd können vnser herz für ihn stillen / vnd
haben eine freudigkeit zu Gott / wann wir
halten seine befehl / das / was wir bitten / wer-
den wir von ihm nemen. Vnd so vil sey er-
innert / wie ein Christmensch gegen Gott
vnd gegen dem Nächsten sich verhalten sol.

Für vnser person aber / wollen wir an-
ders im guten wesen seyn / ein gesund vnd
frölich herz in Gott haben / ja auch einen
gesunden frischen leib darneben / so sollen
wir / wie S. Paulus Tit. 2. vermahnet / vñ
oben gemeldet worden / ein züchtig / keusch
vnd mässig leben führen: Dann ja die gotts-
seligkeit auch zu diesem gegenwertigen leben
nützlich ist. Wann ein mensch nach Gottes 1. Timoth. 4.
wort seine affecten / lust vnd begierden / als
zorn / traurigkeit / mässiget. Traurigkeit
tödtet vil leut / spricht Syrach im 30. cap.
Dergleichen die fresserey vnd der müßig-
gang bringen das grimmen / vnd vil andere
franckheiten / Syrach am 31. cap. Wie nit
weniger durch vnordenlich vnd vnmaßiges
leben die arme seel beschweret wirdt / Hütet
euch / spricht Christus / das euwere herzen Luc. 21.
nit beschweret werden mit fressen vnd sauf-

fen/vnd mit ſorgen der nahrung/ vnd kom
 me diſer tag ſchnell vber euch. So ſeyt nun
 wacker allezeit / vñnd betet / daß ihr wir dig
 werdet zu entſliehen diſem allen das geſche
 hen ſol/ vñ zu ſtehen für des menſchen ſohn.
 Wer ſein leben alſo anſtelt/ vnd mit ſolchen
 gedancken vmbgehet / vnd ſolche diaram,
 ſolch regiment heli/ ſich mit einem Chriſtli
 chen gebett / vnd bißweilen mit dem geſang
 der Pſalmen erluſtiget / der wandelt für
 Gottes angeſicht freudig vñnd getroſt: der
 behelt ein gut Gewiſſen/ Der ſiſet vnder
 dem ſchirm des Höchſten / vnd bleibt vnder
 dem ſchatten des allmächtigen: Der ſpricht
 zu dem Herzen/ Meine zuverſicht/ vnd mei
 ne burg/ mein Gott auff den ich hoffe: Dañ
 er errettet mich vom ſtrick des jägers / vnd
 von der ſchädlichen Peſtilenz. Solcher
 menſch / ſpricht David Pſalm. 112. wirdt
 ewiglich bleiben: Wann ein plag kompt / ſo
 fürchtet er ſich nicht: ſein herz hoffet vn
 verzagt auff den HERRN: ſein
 herz iſt getroſt vnd fürch
 tet ſich nicht.

Von dem andern/

Von sonderbaren preseruatiuen
wider die forcht/vñ das schrecken.

WAnn wir von der schädlichen
Forcht reden / so verstehen wir nicht
die forcht Gottes / vñnd die forcht
welche auß demut vnd erkantnus vnserer
schwachheit entsichet / vñ der vermessenheit
entgegen gesetzt wirt / wie vns dann befohlen psalm. 2.
Philipp. 2.
dem Herrn mit forcht zu dienen / vñ nach der
seligkeit zu strebē mit forcht vñ zittern. Die
forcht aber / die wir ist straffen / vnd welche
zugleich dem leib vñ der seelen grossen schaa-
den zufüget / ist solche forcht vnd zagheit /
welche auß mißtrauwen zu Gott / oder auß
bösem gewissen herfleußt / vñ den menschen
quelet / vnd sein hertz betrübt vñ ängstet / daß
er vor einem rauschenden blatt / vnd iedem
bösen geschrey sich fürchtet / sonderlich wann
etwa gefährliche franckheiten / oder dergleis-
chen ruten Gottes sich erzeigen. Von sol-
cher forcht redet der weise mann im 17. cap.
der Weisheit: Daß einer so verzagt ist / das
macht sein eigen bößheit / die ihn vberzeugt
vnd verdampft / vnd ein erschrocken gewissen
verschiet sich inñterdar des ärgstē: Dañ forcht
kompt daher / daß einer sich nit trauwet zu

verantworten/ noch keine hülffe weiß: Wo
aber wenig trosts im hertzen ist / dasselbige
verzagen macht bänger dann die plag selbs.
Vnd ist solche zagheit ein rechte straff der
sicherheit vnd vermessenheit viler leut / die
Esa. 5. bey guten tagen Helden seind zu sauffen vñ
zu prassen/vnd andere leut zu verhönen vnd
zu stumpffiren: alsbald aber die geringste
gefahr vorhanden ist/zittern sie/vñ schwebt
ihr leben weg für inen in grosser forcht vnd
Kleinmütigkeit/ wie Gott dreuwet Deuter.
28. cap. Fürchten sich vnd fliehen/ da sie nie-
mands jagt / spricht Salomon in sprüchen
am 28. Wo solche forcht ist / erkaltet sie nit
allein bey disen geschwinden ietzt regirenden
franchheiten das geblüt / vnd schwecht die
kräfte des leibs: sonder dempffet vñ leschet
auch den glauben im hertzen/ vnd die wahre
I. Ioh. 4. liebe Gottes. Von solchen verzagten leuten
spricht S. Johannes in der Offenbarung/
cap. 21. Den verzagten vnd vnglaubigen/
wirdt der theil seyn in dem psul/der mit feur
vnd schwebel brennet. Solcher forcht zubes-
gegen ist es zwar nicht die meinüg daß wir
flöz vnd steine werden / vñnd alle sorg vnd
forcht fallen lassen: sintemal die H. Pro-
pheten vnd männer Gottes oft in grossen
sorgen vnd ängsten gelegen / ja des H. Herrn
Christi

Christi selbs seel bis zum tod/ das ist/ auff Matth 26.
 aller eufferst betrübt ist worden: sondern ist
 das die meinung/ daß wir die forcht bey vns
 nicht lassen einwurzeln/ vnd vns solcher ges-
 talt fürchten / wie David spricht im 56.
 Psalm. **HERR**/ wann ich mich fürchte/ so
 hoffe ich dannoch auff dich. Wer aber der
 obgemelten vnrühigen vñ vnzeitigen forcht
 ledig seyn wil/ der sol vor allen dingen die
 vrsachen mercken/ auß welchen solche forcht
 kompt/ vñnd alsdann ihnen rechtmessiger
 weise begegnen.

Die gemeine vrsach des schreckens ist die
 menschliche blödigkeit vñnd schwachheit/
 welche gleichwol in etlichen vil grösser sich
 erzeigt / als in den andern: Dann man wol
 fromme leut findet / die von natur gar zart
 vnd forchtsam seind: Disem zu wehren/ oder
 zum wenigsten zu heiffen / sol ein Christo-
 christmensch sich allweg seines Tauffs er-
 innern/ vñ also zu gemüß führen / daß er nu
 mehr nicht ein blosses Adams kind / vñnd
 schwache creatur sey / von schwachen eltern
 geboren/ sondern auch ein kind Gottes/ auff
 den namen der **H. Dreyeinigkeit** getaufft:
 Vnd also in Gott starck/ vnd so starck/ daß
 er mit **S. Paulo** sich rühmen kan/ Philipp 4.
 mag alles durch den / der mich mächtig

macht/ Christus. Ferners ist vonnöten/
 daß einer offte bitte vmb den beystand des
 wahren trösters des H. Geistes/ der das in
 vns erstatte/was der schwachen natur man-
 gelt/ vnd in vns ein dapffer hertz erwecke/
 vnd den schwachen glauben auffmündere.
 Darzu dienet auch nicht wenig / daß die so
 von natur blöd vnd verzagt seind/ mit gotts
 seligen dapffern leuten conuersiren / vnd
 umbgehen / auß welcher beywohnung vnd
 Christlichen gesprächen sie auch desto mü-
 ger werden. Item/ daß sie offte lesen oder hö-
 ren verlesen die schöne tröstliche sprüche bey
 den Propheten vnd im Euangelio/ sonder-
 lich die da lauten von der göttlichen vorse-
 hung vnsers himlischen vatters / der vns
 tregt vñ hebt in vnserer größe schwachheit/
 wie ein muter ir zartes kind. Es sol auch ein
 frommer Christ dises wol erwegen/ daß alle
 forcht vñ schreckē nit allein nichts nützet vñ
 hilfft/ sonder vil mehr Gott erzörnet/ die seel
 quelet vnd vergeblich martert/ vnd sondlich
 bei disen schwebendē franckheitē dē leib desto
 sehiger macht einer giftigē schedlichē seuch-

Die andere vrsach des schreckens/ ist das
 böse Gewissen/ welches vns naget vñ betrü-
 bet/ daß wir vns gern vor Gottes angesicht
 verbergen wolten / gleich wie Adam nach
 dem

Dem fall sich verbergen wolt. Da vns nun
 das gewissen anlagt/vnd wir für Gott vns-
 ser thun vnd wesen nit verantworten könen/
 sollen fromme herzen mit disem trost gefaßt
 seyn/das ob wir schon das vns nit gethan/
 iedoch wañ wir solche schuld / fehl vñ män-
 gel dem getrewen barmherzige Gott abbit-
 ten/er geneigt sey zuvergebē/als der mit vns
 nit hädeln wil nach vnsrer missehat. Psalm. 103. Dañ
 so hoch der hümel vber der erden ist / läßt er
 seine gnad walten vber die so ihn fürchten/
 sintemal er kennet was für ein gemacht wir
 seind. Vnd was wir nit können verantwor-
 ten / hat der sohn Gottes / vnsrer getreuer
 fürsprecher auff sich genossen / vnd ist sein
 blut die versöhnung für alle vnsere sünde. 1. Iohan. 2.
 Dessen hat sich auch David getrübet/ Ps.
 32. Ich sprach/ Ich wil dem Herren meine
 vberrettung bekennen / da vergabest du mir
 die missehat. Vnd Jeremias cap. 14. Ah
 Herr / vnsere sünde habens ja verdienet/
 aber hilff doch vmb deines namens willen.

Die dritte ursach ist der zweifel vnd vns-
 glaub/d; wir nit glaubē solche straffen seyen
 vns gut vnd heylsam/sondern achten sie vns-
 ser verderden vnd vnheil: Dann das gut
 fürchtet man nit/sondern man entsetzet sich
 ab dem allen/das man vermeint böß zu sein:

Oder kompt solcher zweifel wann man nit
 glaubt / daß Gott der allmächtig auß allem
 bösen erzetten möge. Demselbigen zubegeg-
 nen / vnnnd solche forcht auß dem herzen zu
 räumen / ist diser grund zubehalten / daß ob
 wol pestilenz vnd andere franckheiten / wie
 auch der tod straffen der sünden seind / vnd
 anzeigung des göttlichen zorns / daß man
 doch nicht eben die straff vnd die schläg / son-
 der vil mehr Gott fürchten sol / sich zu ihm
 kehren / vnd alsdann gewiß seyn / daß er sol-
 ches alles denen / die ihn lieben / zum besten
 wendet / vnd in dem er vns züchtiget / sich er-
 beut als ein vatter der die kinder züchtiget /
 welche er lieb hat: Seyt ihr one züchtigung /
 so seyt ihr bastarte / vnd nicht kinder: Er ist
 der fromme Gott / der da verschafft / daß
 seinen Gleubigen alle ding heylsam seind:
 vnnnd die bitterkeit dieses lebens in süßigkeit
 verwandeln wirdt / gleich wie er in der wü-
 sten zur erquickung seines volcks das bitter
 wasser süß gemacht hat: Wer wil sich dann
 fürchten für einigem vbel / da solches alles /
 wie es vns der allmächtige Gott sendet / wol
 gemeint vnd nützlich ist? Wer wil sich für
 dem entsetzen / das ein gewinn / ja eines mens-
 chen wolffahrt vnd befürderung zur seligkeit
 ist? Also sol man auch / demnach wir in
 Christo

Hebr. 12.

Rom. 8.

Exod. 15.

Christum glauben/ vnd ihm / der da ist die
 quell des lebens / einverleibt seind / den tod
 keines wegs fürchten / der nun mehr durch
 die krafft seines tods / ein sanffter schlaff / ein
 erlösung auß dem kercker vnd spitel dieser
 schnöden welt / vnd ein heimsfahrt ist vñ ein
 gang zum ewigen leben / da wir werden aller
 dings auffhören sündigen / trauren / weinen
 vnd ohn auffhören Gott sehen / ihn mit vn-
 aussprechlicher freude sampt allen Engeln
 vnd außgewählten loben vnd preisen. Vnd
 sol niemands fürchten / er werde etwan in der
 not verlassen / vnd keine hülff haben : dan ic
 mehr die kinder Gottes bedrängt seind / vnd
 not leiden ic neher ist der Herz bey vns. Ich
 bin bey ihm in der not / spricht der Allmäch-
 tige / Psalm. 91. Ich wil ihn heraus reissen /
 vnd zu ehren machen : Ich wil ihn fettigen
 mit langem leben / vnd wil ihm zeigen mein
 heyl. Vnd Psalm. 34. Der Herz ist nahe
 bey denen die zubrochens herzens seind / vnd
 hilfft denen die ein zerschlagen gemüt ha-
 ben : Der gerecht muß vil leiden / aber der
 Herz hilfft ihm auß dem allen : Er bewahret
 ihm alle seine gebeine / daß deren nicht eins
 zubrochen wirdt. Vnd im 33. Psalm : Siehe
 des Herren aug sihet auff die so ihn fürch-
 ten / die auff seine güte hoffen / daß er ihre seel

errette vom tod / vnd ernehre sie in der theu-
 rung. Vnd in solchem vertrauwen hat Das
 uid die grosse forcht vnd ängsten vberwun-
 den / damit er angegriffen war / wie im 13.
 Psalm zu sehen / Herz wie lang sol ich sor-
 gen in meiner seelen / vnd mich ängsten in
 meinem herzen täglich ? Darnach spricht
 er / Ich hoffe aber darauff / daß du so gnes-
 dig bist / Mein herz freuwet sich / daß
 du so gern hilffest. Vnd zwar / wie der
 alte fromme Märtyrer Eyprianus / rechte
 vnnnd schön erinnert in einem büchlin / das
 er gestellt hat / zu der zeit / da grosse sterbens-
 leufften vorhanden waren : Was seinds
 für leut / die also zittern vnnnd zagen / dann
 eben die / welche keinen glauben vnd keine
 hoffnung haben ? Die jenige sollen den tod
 fürchten die zu dem **H E X X E N** Chri-
 sto ihrem Haupt vnd Heyland nicht gern
 wollen kommen / oder die nicht glauben /
 daß sie mit ihm die ewige freude werden er-
 erben. Welcher sol lust haben zu dem
 streit vnnnd elend dises lebens ? Welcher
 sol nicht wünschen / daß er der traurigkeit
 bald loß werde / vnd sich ewiglich freuwen
 möge ?

Was ist für ein thorheit die ängst vnnnd
 threnen dieser welt lieb haben / vnnnd nicht
 wol

wollen eilen zu der freude/die von vns nicht
 kan genommen werden? Dises kompt als
 les daher / daß den leuten am Glauben
 mangelt / vnnnd wenig leut glauben / daß
 dasselbig wahr sey / was der warhafftige
 Gott verheisset: Dann ob schon der tod vns
 mit den gottlosen gemein ist / so haben sie
 nicht mit vns eine gemeine hoffnung / vnd
 gemeine verheissunge von dem beystand des
 H. Geistes. In summa/das seind zarte vnd
 vil zu weiche leut / die bey guten tagen was
 tler vnnnd freudig seind : alsbald aber die
 geringste not vorhanden ist / jämmerlich heu-
 len: Vnd ist gar widersinnisch / daß wir alle
 tag bitten/ daß der will Gottes gesche-
 he/da er aber denselbigē durch vnsern / oder
 der vnserigen abforderung verrichtet / wir
 wider denselbigen vns sperren wollen. Lass
 set die trauren / heulen vnnnd schreyen / die
 Christum nicht kennen / vnd nichts wissen
 von der krafft seines leidens vnd seiner auff-
 erstehung : Lasset die den tod fürchten / die
 mit wider geboren seind durch Christum / vñ
 durch de zewlichen tod in die ewige verdamm-
 nus fahren. Dieselbige zwar seind mit der
 rechten giftigen Pestilens seuch behaff-
 tet / deren hertz vngläubig vnd gottlos ist:

Wir Gleubigen trösten vns / das vns die
 sünde vergeben / vnd das ewig reich gegeben
 vnd geschicket ist / darumb fahren wir auß
 diser elenden welt / als kinder des Himmel-
 Königs / die ein herzlich reich einnehmen
 werden: Wir fahren auß diser welt zu dem
 hochzeitlichen tag des Lais / zu welchem
 wir geladen vnd beruffen seind: vnd sehen
 nicht auff den tod / sondern auff die vnsterb-
 ligkeit / vnd freuwen vns / das wir auß der
 zergänglichhen hütten diser welt / da alles
 frachtet / vnd zum vndergang sich neiget / er-
 rettet / in das schön himlisch Jerusalem /
 welches nicht im staub der erden / sondern
 im himmel einen grund hat / komen: Dann
 so wir einem redlichen mann glauben / der
 vns etwas zusagt / was wer das für ein
 schändlicher vnglaub / wann wir dem ge-
 treuwen / warhafftigen vnd allmächtigen
 Gott nicht glauben wolten / da er vns also
 tröstet / Sophon. 3. Zur selbigen zeit wirdt
 man sprechen zu Jerusalem / Fürchte dich
 nicht / vnd zu Zion / Lasse deine hände nicht
 lass werden: dann der Herz dein Gott ist
 bey dir / ein starcker Heyland / Er wirdt sich
 vber dich freuwen / vnd dir freundlich seyn
 vnd vergeben. Also spricht auch vnser lieber
 HERR Christus Luc. im 12. Fürchte dich
 nicht

nicht du kleine herb: Dann es ist euwers
 vatters wolgefallen euch das reich zu geben.
 Vnd Joh. 16. Wahrlich/wahrlich ich sage
 euch/so ihr den Vatter etwas bitten wer-
 det in meinem namen/wirdt ers euch gebend
 In der welt habt ihr angst / aber seyt ge-
 trost/ich hab die welt vberwunden. Da ihns
 nun also ist/Lasset vns mit dem königlichen
 Propheten David der schwachheit vnn-
 forcht vnsers armseligen fleisches dayffern
 widerstand thun / vnnnd mit ihm sprechen/
 Was betrübestu dich meine seele / vnd bist
 so vnrühig in mir / Harre auff GOTT/
 Dann ich werde ihm noch danken/
 daß er meines angesichts hälff/
 vnd mein Gott ist.

G



Vom dritten/

Wie sich die Francken / so von der
schwebenden Franckheit angegriffen
werden/ verhalten sollen.

Den Francken were bald zu helf-
fen/ vnd leicht zu rahten/ wañ die vor-
rige Lehr den gesunden recht eingebil-
det were / vnd wir alle diser welt im fürüber
gehen brauchten / als frembdlinge / die alle
tag auff ein bessers warten/ vnd von berken
wünscheten auffgelöset zu seyn / vnd seyn
bey dem Herren Christo: Wann sonderlich
die Lehr von der göttlichen vorschung recht
gefaßt vnd begriffen were. Das ist aber der
jamer/ daß der grosse hauff sich vmb Gott/
vnd göttlichen sachen nicht vil bekümmert/
so lang die leut gesund seind / vñ wissen des-
halb nicht in ihren Franckheiten / waran
sie sich halten sollen: Da das erst / das ein
francker thun sol/ ist / daß er bedencke / wer
der sey/ der vns schlägt/ vnd so heimsuchet/
daß es eben vnser himlischer vatter sey / der
lufft / leib vnd leben in seiner hand hat / da-
her Job spricht/ Du Herr hast gegeben/ du
hast wider genommen/ der name des Herrn
sey gebenedeyet. Vnd David Psalm. 39.
Ich schweig/ vnd wil nicht vngedultig seyn/
dann

1 Corinth. 7.
Psalm. 39.
Philipp. 1.

Iob. 1.

dann du Herz he? 3 gethan: Wer wil dann
 wider Gott murren / vñ seinen mund wider
 den Allmächtigen auffthun? Bil mehr sol
 das bedacht werden / das da stehet *Yse. 6.*
 Wann es ihnen vbel gehet / so werden sie
 mich frühe suchen / vnd sagen / Wir wollen
 wider zum Herzen kehren / dann er hat vns
 zurißten / er wirdt vns auch heylen: Er hat
 vns geschlagen / er wirdt vns auch verbino
 den / lebendig machen vnd auffrichten: Er
 ist der allmächtig vnd fromme Gott / der
 auch vñ tod erretten kan / Vnd da wir schon
 sterben / wirdt er vns aufferwecken zu einem
 seligen leben. Ob er mich gleich tödtet / so
 wil ich auff ihn hoffen / spricht Job / nach
 der Hebreischen sprach / im 13. capitel: Der
 Herz ist meine macht vnd mein heyl: *Der Psalm. 118.*
 Herz züchtiget mich wol / Aber er gibt mich
 dem tode nicht. Ich dancke dir / daß du mich
 demütigest / vnd hilffest mir. Ist ihm nun
 also / daß vnsere Franckheiten nichts anderst
 sind / als vätterliche heimsuchunge Got
 tes / warumb wollen wir verzagen? sintemal
 er mit vns versöhnet ist durch Christum /
 vnd vns mitten in den anfechtungen vñnd
 trübsalen mit dem wahren tröster dem H.
 Geist versehen wil / der vns auch in der leht
 ten not / da wir vns erwan nicht mehr regen *Rom. 8.*

können/vertritt mit vnaussprechlichen seuff-
 ten: Es ist doch des golds schad nicht/sonder
 seine besserung/ wann es durch das feuwer
 durchleutert wirdt: Also geschichts vns
 zum besten/wann vnser Glaub durch aller-
 ley creuz probiert wirdt. Es ist der kinder
 grosser nutz/ daß sie in der jugend gesteu-
 pet vnnd gezüchtiget werden/ auff daß ih-
 rem mutwillen zeitlich gewehret werde. Also
 so ist vil besser/ daß wir hie etwas leiden/
 dann daß vns **G D T T** auff vnseren weg
 laß gehen/ vnnd die straff spare biß an den
 letzten stund/ vnnd wir mit dem reichen
 schlemmer in die Helle fahren: D wie
 manchem/ spricht Basilius vber den fünff-
 vnd vierzigsten Psalm/ ist die franckheit ei-
 ne heylsame arznei/ vnd des menschen le-
 ben: Hergegen/manchem seind gesundheut
 vnd gute tag eine fürderung zum ewigen
 tod. Zu dem läßt auch der Herr die seine offte
 franck vnd matt werden/ auff daß sie dieses
 lebens satt werden/ vnnd in ihnen erwecket
 werde eine begierd des ewigen lebens: Dar-
 umb auch ein francker mensch nicht allein
 auff seine schmerzen/ vnd seine noht sehen
 sol/ sondern auch auff die vilfältige gnad
 Gottes/vnd auff die verheissene güter. So
 1. Joh. 5. het/ spricht S. Johannes/welch eine Liebe
 hat

hat vns der vatter erzeiget / daß wir Gottes
 Kinder sollen heißen. Meine lieben / wir seind
 nun Gottes Kinder / vnd ist noch nicht erschi-
 nen was wir seyn werden: Wir wissen aber
 wañ er erscheinen wirdt / daß wir ihm gleich
 seyn werden / wañ wir ihn werden sehen wie
 er ist. Wir haben allenthalben trübsal /
 spricht S. Paulus / aber wir ängsten vns 1. Cor. 4
 nicht: Vns ist bange / aber wir verzagen nit:
 Wir leiden not / werden aber nicht verlas-
 sen / Vnd tragen allezeit das sterben des
 Herrn Jesu Christi an vnserm leib / auff daß
 auch das lebē des Herrn Jesu an vnserm leib
 offenbar werde. Darumb werden wir nicht
 müde / sondern / ob vnser eusserlicher mensch
 verweset / so wirt doch der innerliche von tag
 zu tag verneuwert. Dann vnser trübsal die
 zeitlich vnd leicht ist / schafft ein ewige / vnd
 vber alle maß wichtige herzigkeit / vns / die
 wir nicht sehen auff das sichtbar / sondern
 auff das vsichtbar: Dann was sichtbar ist /
 das ist zeitlich / Was aber vsichtbar ist /
 das ist ewig. Dencke nicht / spricht der alte Serm. 71. de
temp.
 lehrer Augustinus / daß du in difem leben
 niemals recht gesund seyst: Die vnsterbliche
 zeit wirdt seyn die rechte vollkommene ge-
 sundheit: dann dises leben ist ein stete blö-
 digkeit die vns nachgehēt bis zum tod.

Ephes. 3.

Disem nach sol ein armer patient bey
 disen schwebenden franckheiten nicht allein
 sehen auff seine beulen / blatern / oder ge-
 schwären / die er am leib tregt / sondern sich
 erinnern / daß er im herzen tregt den Für-
 sten des lebens / der in vnsern herzen wohnet
 durch den Glauben: Vnd ob der vns schon/
 wann die bestimpte zeit fürhanden ist / sterben
 leßt / wirt er vns in krafft seiner aufferstehung
 aufferwecken an jenem tag. Leben hie auff
 erden ist kein grosse gnad: Die Türcken vnd
 Heyden leben auch in disem zeitlichen leben:
 Die vögel in der lufft / die thier auff dem
 feld / vnd deren vil länger als der Mensch.
 Aber ein köstlich ding ist es also leben / daß
 man stets sich schicke vñ bereite zu dem ewi-
 gen seligen leben: Dann solten wir allein
 hoffen / vnd vns verlassen auff dises zeitlich
 leben / weren wir / spricht S. Paulus / arm-
 seliger dann die vnvernünfftige thier. Wann
 wir aber vnser herz zeitlich erheben zu dem
 der vnser schack ist / vnd der droben ist / so
 kompt vns der tod gar leicht an / sintemal
 eines frommen Christen herz vnd wandel ist
 vorhin im himmel / vnd ist sein ganzes leben
 ein stehete absterbung des alten menschen /
 verleugnung diser welt / vnd eine betrach-
 tung der himlische wohnungen / die vns der
 sohn

1. Cor. 15.

sohn Gottes bereitet / wie er vns vertröstet /
 Johan. 14. Euwer hertz / spricht er / erschre-
 cke nicht / In meines vatters hauß seind vil
 wohnungen: Wanns nicht so were / so wolt
 ich es zu euch sagen / Ich gehe hin euch die
 stett zu bereyten: Vnd ob ich hingehe / wil
 ich doch wider kommen / vnd euch zu mir
 nemmen / auff das ihr seyt wo ich bin: Vnd
 wo ich hingehe / das wisset ihr / vnd den weg
 wisset ihr auch. Ey das seind tröstliche
 wort / das vns nun mehr durch Christum
 der rechte gebante weg zum ewigen leben ist
 geoffenbaret: Vnd der fromme Heyland
 nicht ohn vns / die er mit seinem theuren
 blut erworben hat / seyn wil im reich der her-
 lizkeit. Was ist es das du verlässest eine ir-
 dische hütte / im staub der erden gegründet /
 da du wirst auff genommen in das himlische
 Jerusalem / welches mehr glänzet / dan alle
 edle stein / die auff erden seind? Was ist es das
 du verlässest weib vnd kind / oder andere
 freunde / da du komst zu deinem aller liebsten
 Gott / den du solt lieben von ganzem her-
 zen / von ganzer seelen / von allen kräftten:
 Zu deinem treuwen Heyland / der sein leben
 für dich gegeben / vnd zu der versammlung
 deiner besten freund / der lieben Engeln /
 vnd aller außgewählten / da du etwan schon

Apostol. 25.

weib vnd kinder sorgeschickte hast / oder sie
 dir bald nachfahren sollen? Daselbst wurde
 kein lermen seyn / kein schmerz / kein vnruh /
 keine threnen / nichts vnreins: Da wirstu erst
 ein rechte neu herz bekommen / vnd auffhö-
 ren sündigen / ohn auffhören aber leben / vnd
 loben deinen schöpffer vnd erlöser. Ob du
 schon ligst auff dem siechbett / vnd mit den
 leiblichen füßen nit gehen vnd webern kanst /
 ey so kan dein seel doch in wahrem Glauben
 für Gottes angesicht treten / in den himo-
 mel sich erheben / vnd mit dem königlichen
 psalm. 27. prophet David Gott dem H E X X ein
 fußfall thun / vnd also sagen / Ah H E X X
 straff mich nicht in deinem zorn / vnd züch-
 tige mich nicht in deinem grimm: H E X X
 sey mir gnedig / dann ich bin schwach: Heyl-
 le mich H E X X / dann meine gebein seind
 erschrocken: Wende dich H E X X / vnd er-
 rette meine seele: Hilff mir vmb deiner gü-
 te willen. Vnd abermals im 130. Psalm.
 Auß tieffer not ruffe ich H E X X zu dir:
 Herr / höre meine stimme: Laß deine ohren
 mercken auff die stimm meines flehens: So
 du wilt sünde zurechnen / H E X X / wer
 wirdt bestehen? Aber bey dir ist vergebung /
 daß man dich ehre: Ich harre des H E X X
 X E X X / Meine seel harret / vnd ich hoffe
 auff

auff sein wort. Ist der leib also matt vnd
 zerschlagen / daß er keine speise einnehmen
 vnd geniessen kan / so ist doch die seel fähig
 der geistlichen labung / vnd dürstet ihr nach
 dem lebendigen Gott / vnd ist derselbigen psalm. 35
 Gottes gnedig wort süßer / dann kein ho-
 nig vnd honigseim. Wil aber die franck-
 heit gar vberhand nemmen / vnd die letzte
 stund sich erzeigen / sollen das die letzte seufe-
 hen vnser hertzens zu Gott seyn: Ah Herr/
 sey deinem armen kind gnedig: Ah Herr/
 ich weiß / daß das end dieses armseligen les-
 bens / wirdt seyn der anfang der vnendlichen
 seligkeit. Auff dich bin ich geworffen von
 mütterleib. Du bist mein Gott von meis psalm. 137
 ner mütterleib an. Sey nicht ferne von
 mir / dann angst ist nahe. Du Gott meine
 stercke / eile mir zu helffen / Ich hab lust ab philipp. 1
 zuscheiden vnd bey Christo zu seyn / wels-
 ches besser were. Dann Christus ist mein
 leben: Sterben ist mein gewinn. psalm. 137
 Ich hoffe auff dich / vnd sprich / Du bist
 mein GOTT / meine zeit siehet in dei-
 nen händen: Da meine Augen wol-
 len drackel werden / Laß leuchten dein ant-
 litz vber deinen knecht: Hilff mir durch dei-
 ne güte. Meine krafft ist verfallen für mei-
 ner missehat / vnd meine gebein sind vnd

Schmachtet. Aber Herz / auff dich traue
ich / Laß mich nimmermehr zu schanden
werden. In deine hand befehle ich meinen
geist / Du hast mich erlöset Herz / du treu
wer Gott.

Vom vierdten /

Wie einer der wider auffkompt / sich
gegen Gott stellen sol.

In böser / vnd doch gemeiner
brauch ist / daß man vnter dem creuz /
vnd in werenden krankheiten vil vers
spricht vnserm Herrn Gott / vnd sürgibt /
man merde sich bessern / Gottes wort fleis
siger hören / in seinem ampt auffrichtiger
wandeln / sich für aller vppigkeit hüten: Als
bald aber der Kranck genas / ärger dan vor
er was. Nun kan man Gott nicht betrie
gen / sondern betriegen vns selbst / vnd geben
ihm vrsach / daß er zum andern mal / vnd
zum dritten mal kompt / mit desto schwere
ren straffen / bis er vns in seinem zorn wege
gerafft habe / gleich wie dem vnbusfertigen
könig in Egypten / dem Pharao gangen ist:
Darumb laßt vns Christum nicht versue
chen: Oder wollen wir den Herren trozen?
Seind

Seind wir stärker dann er? spricht Sanct
 Paulus I. Corinth. 10. Nicht also/ sonder
 lasset vns nach empfangener wolthat/ vnd
 errettung auß einer franckheit/ mit dem
 frommen David danckbar gegen dem ges-
 treuwen barmherzigen Gott erzeigen/ vnd
 also sprechen: O Herz/ wie groß ist deine
 güte/ die du verborgen hast denen die dich
 fürchten/ vnd erzeigest denen die auff dich
 trauen. Gelobet sey der Herz/ daß er hat
 ein wunderliche güte mir beweiſet/ Dann Psalm. 108.
 ich sprach in meinem zagen/ Ich bin von
 deinen augen verſtoffen/ danneroch höreſtu
 meines flehens ſtimme/ da ich zu dir ſchreie.
 Liebet den Herren alle ſeine Heiligen: Seyt
 getroſt vnd vnverzagt/ alle die ihr des Herrn
 harret. Vnd wie im 106. Psalm ſtehet: Das
 iſt mir lieb/ daß der Herz meine ſtimme vnd
 mein flehen höret/ daß er ſein ohr zu mir
 neiget/ darumb wil ich mein lebenlang ihn
 anruffen. Stricke des tods hetten mich
 umbfangen/ vnd der gruben ängſt hatten
 mich troffen: Ich kam in jamer vnd not:
 Aber ich rieß an den namen des Herrn: O
 Herz/ errette mein armes leben: Der Herz
 iſt gnedig vnd gerecht/ vnd vnſer Gott iſt
 barmherzig: Wann ich vnderlige/ ſo hilfft
 er mir. Sey nun wider zu friden/ meine

seele/ Dann der Herr thut dir guts. Dans
 o Herz/ du hast mein leben auß dem tod ge-
 rissen/ mein aug von den threnen/ meinen
 fuß vom gleiten. Ich wil wandeln für dem
 Herren im lande der lebendigen. Wie sol
 ich dem H E R R N vergelten alle seine
 wolthat die er mir thut? Ich wil den heyls-
 samen kelch nehmen/ vnd des H E R R N
 namen predigen: Ich wil meine gelübd dem
 H E R R N bezahlen vor all seinem volck.
 Oder sol ein frommer Christ / da es besser
 mit ihm worden ist/ mit dem könig Hiskia/
 nachdem er von einer gefährlichen franck-
 heit wider gesund worden war/ sagen/ Ich
 sprach/ Nun muß ich zu des grabes pforten
 fahren: Nun muß ich nicht mehr sehen den
 H E R R N im lande der lebendigen. Nun
 muß ich nicht mehr schawen die menschen
 in disem zeitlichen leben: Meine zeit ist da-
 hin / vnd von mir auffgereumet / wie eines
 hirtens hütte/ Vnd reisset mein leben wie ein
 weber. Ich winselt wie ein franich/ vnd gir-
 ret wie ein taube / Meine augen wolten mir
 brechen H E R R / ich leide not / lindere mirs.
 Gott hat auch den Ezechiam erhöret/ Dar-
 umb setz er hernach:

Wie wil ich noch reden / das er mir zu-
 gesagt hat/ vnd thuts auch: Ich werde mich
 scheu

scheuwen all mein lebtag für solcher betrüb-
 nus meiner seele. **H E R R** / davon lebe
 man/ vnd das leben meines geistes stehet gar
 in demselbigen / nemlich / daß du so gnedig
 bist. Sihe/ vmb trost war mir sehr banger
 Du aber hast dich meiner seele herzlich an-
 genommen / daß sie nicht verdürbe. Dann
 du wirffst alle meine sünd hinder sich zu-
 rück : Wir/ die du bey leben erhalten hast/
 werden dich loben/ vnd vnsern kindern deine
 warheit kundt thun. **H E R R** hilff mir/
 so wollen wir lieder singen / so lang
 wir leben/ in dem hause des

H E R R E N.



Folget zum Beschluß ein
kurze betrachtung des 91 Psalms:
darinn summarischer weise alles
begriffen/was oben erinnert
ist worden.

Wer vnder dem schirm des Höch-
sten sitzt/vnd vnder dem schatten
des Allmächtigen bleibt.

D Wol etliche es darsür halten / der
mann Gottes Moses/der in der wü-
sten 40 ganser jar so vil elende/vnd
so mancherley plagen / wie auch viffältige
errettung gesehen/ vñ erfahren/mögte disen
Psalme so wol als den vorigen geschrieben
haben: So ist doch glaubwürdig / daß diser
Psalme werde zu der zeit gestellt worden seyn/
da die grosse Pestilenz die Israeliten zur
zeit Davids angegriffen / daß innerthalb
dreyen tagen / sibenzig tausent mann weg-
gerafft worden seind / Vnd hat sich doch
David dessen getröstet / daß besser sey in
die hand des HERRN fallen / als in der
menschen hände: Dann seine barmherzig-
keit sey sehr groß: Wie dann am end der
selbigen histori stehet / daß / nach dem sich
David gedemütiget / vnd mit seinem volck
dem

dem Allmächtigen seine danckopffer geopfert hat/ sey Gott bald mit dem land versöhnet worden / vnd hab die plage auffgehöret. Nun ist aber der inhalt desseibigen trost vnd lehrreichen Psalms diser:

Es ist wol nicht ohn / spricht der heilige Prophet / vil jamers vnd elends fühlet man / so lang wir vns mit diser irdischen zergänglichen hütten schleppen / vnd in diser schnöden vnd wüsten welt herumb gehen / wandeln auch vnter vilen ottern vnd schlangen / da wir ietzt mit öffentlichen / ietzt mit heimlichen feinden zu thun haben / vnd weder des tages / noch in der nache grosser gefahr / vnd mancherley abscheulichen krankheiten frey seind: Wie scheußlich aber dasselbig alles sich sehen läßt / vnd wie blöd vnd schwach wir in vns sind: seind wir dennoch getrost / freudig vnd mutig / wann vnser seel nicht wohnet / vnd ihre wohnung vnd hoffnung nicht sezet auff irdische ding / oder auff eigne werck / sonder sich im Glauben erhebt zu dem allerhöchsten Gott. David spricht nicht / daß seine heiligkeit / seine gute werck / sein königreich / oder seine festung zu Zion sein trost / oder seiner seele wohnung vnd wonne seyn werden: Dann der sihet zwar gar vbel / vnd wohnet in eines

elenden hütten / (spricht der alte Lehrer
 Bernhardus vber disen Psalm) der da wos-
 net vnder der vermessenheit / oder vnder dem
 schirm seiner eignen werck. Solches alles
 kan der Teufel bald wegblasen / Vnd was
 menschlich vnd fleischlich ist / verhönen.
 David aber spricht also / daß der den Allero-
 höchsten zu einem schlupffloch in der nothe
 hab (wie seine eigene wort lauten) vnd sein
 nachtherberg vnder dem schatten des All-
 mächtigen / Der selbig möge sicher ruhen/
 vnd guts muts seyn : Dann da heist es/
 Trost dem Teufel / der Welt / der onmäch-
 tigen Pestilenz vnd andern plagen. Kan der
 Teufel schrecken / kan ein krankheit betri-
 ben vnd tödten: ey so kan Gott der allmäch-
 tig tausent mal mehr stercken / trösten vnd
 lebendig machen. Ist Gott für vns vnd vns-
 ser zuversicht / wer mag wider vns seyn ?
 Wann der vns gerecht macht / vnd mit vns
 zu friden ist / wer wirdt verdammen ? Dar-
 umb spricht David getrost Psalm 56. Auff
 Gott wil ich hoffen / vnd mich nicht fürch-
 ten / Was wolt mir fleisch thun ? Vnd im
 anfang dises Psalms / Gott ist mein zuver-
 sicht / vnd meine burg / mein Gott / auff den
 ich hoffe: Als wolt er sagen / Es stehe so vber
 als immer wolle : Es gehe / falle / lige alles
 vber

vber vnd vber/ich weiß/Gott lob/wo ich für
 Teufel / Todt / Hell sicher bleiben könne.
 Aber da gehört nicht ein Melchglanb zu/
 oder ein kalter gedanck von vnserm Herren
 Gott: sonder daß das ganz hertz an jm han-
 ge/sich gar wickle in seinẽ gnedigen schirm/
 vnd gar ergebe vnder die flügel des Herren
 Jesu Christi/der vns solchen zutritt gibt/zu
 dem Allerhöchsten / vnd solche erquickung
 erworben hat vnter dẽ schatten seiner gnade.
 Disem nach sol ein ieder Christ dem Aller-
 höchsten/der vns so herrliche theure verheiß-
 sung gegeben hat/billich vil mehr glaubens
 geben/ als dem sauren/ feindseligen/ lügen-
 hafftigen Geist/ der durch seine laruen vns
 gern wolt irz machen / zur verzweifflung
 bringen / vnd sein gespött mit vns treiben/
 da er doch nicht allein keine macht vber vns
 hat/sonder auch für vns fliehen vnd mit
 schanden abziehen muß/so lang wir vns vn-
 der dem schatten des Allmächtigen halten/
 vnd Gottes macht/treu vnd warheit jm als
 ein schilt entgegen setzen. Dann wir vns ja
 erinnern sollen/spricht der Propheet in disem
 Psalm / daß der ewig Gott zu ieder zeit die
 seinen so wol von heimlichen stricken / an-
 schlägen vnd ansechtungen/ als von eussere-
 lichen bösen giftigen franckheiten / solcher

gestalt erlöset hab/ daß/ ob schon allen menschen auffgesetzt ist ein mal zu sterben/ vnd in sterbens leufften auch fromme leut. von der Pestilens getroffen werden: so trifft sie doch der zorn Gottes nit / vnd also kein vnglück/ sondern ist lauter glück vnd heyl bey ihnen: sintemal der getreuwe barmherzige Gott sie als kinder züchtiget / tröstet vnd erheldt bey lebendiger hoffnung/ besilcht seinen Engeln/ daß sie ihre seele geleiten in Abrahams schoß/ vnd verschafft/ daß ihre seelen vnverlezt versetzt werden in die ewige freude/ vnd daß sie also in der krafft Jesu Christi tod/ Teufel vnd dergleichen hellischen löwen vnd ottern mit füßen treten / vnd mit dem Propheten Osea / vnd Apostel Paulo gestrost sprechen / Todt / wo ist dein stachel? Helle/ wo ist dein sig? Der stachel des todes ist die sünde: Die krafft der sünde ist dz Gesetz: Gott aber sey danck/ der vns dē sig gibe/ durch vnsern Herren Jesum Christum/ der auch den Sathan zutritt vnder vnserē füße / spricht S. Paulus Rom. 16.

Die summa ist / daß du nicht sehen solst auff deine grosse schwachheit / vnd dein vnvermögen. Dañ daß du so starck / so sicher / so wol verwahret bist / ist ein werck Gottes des allmächtigen/ der dein zuversicht ist / vñ freylich

freylich stärker dann die ganze welt: Hast
 in deiner Franckheit etwan (wie die welt heut
 vnireu vnd vnfreundlich ist) nit vil freunds-
 de / oder wärter vnd wärterin: so tröste dich
 dessen / daß der allmächtig Gott seinen lie-
 ben Engeln befohlen hat / daß sie dich auff
 den händen tragen / daß du dich nirgend
 stößest / sonder sein durch den tod dringest in
 das ewige leben. So geherzt seind die vn-
 gläubigen nicht / sondern wie spreu / die der Psalm. 8
 wind zerstreuwet: Dann sie ehren Gott nit:
 thun ihm vil mehr die größte schmach an / in
 dem sie an seiner macht / oder warheit zwi-
 feln. Aber Gott der Herr kennet diejenige /
 die sein begeren / vnd zu ihm ihre zuneigung
 haben / ihn recht kennen / als den allmächtigen
 warhafftigen getreuwen Gott / der sich
 in seinen wunderbaren wercken / vnd heiligen
 wort geoffenbaret hat / vnd dise ehr von
 vns haben wil / daß wir ihm trauen / vnd
 ihn in aller not anruffen: Denselbigen wil
 er helfen auß aller not / sonderlich auß vn-
 mut / auß dem fluch des Gesetzes / vnd auß
 allen ihren sünden: er wil sie schützen wider
 die anleuff des bösen Geistes / vnd wil sie er-
 hören / da sie schon innerlich allein seuffzen /
 vnd in den lezten zügen seind: Dann er / als
 ein treuwer vatter / in der not sich am mei-

sten zu vns mit seiner gnade nahet / tregt
 vnd hebt vns / thut das beste bey vns / gibe
 vnserm geist zeugnus / daß wir seine kinder
 seind / gibe vns auch allbereit auff dem siech-
 bett einen vorschmack der künfftigen freu-
 de / vnd endlich reiffet er vns auß allen wi-
 derwertigkeiten vnd schmerzen / wie tieff
 wir drinn ligen. Vnd da wir hie verachtet
 vnd verlassen gewesen / offt in grosser schand
 vnd schmach vor der welt gelegen / wirdt er
 vns zu ehren machen / vnd vnser leiber ehn-
 lich dem glorificirten leib seines sohns Jesu /
 daß wir sehen werden die herligkeit / die der
 Vatter dem Sohn hat gegeben / Vnd seyn
 da er ist / als seine beyseher / die neben ihm die
 gottlose welt richten werden: Vnd da hie
 auff erden lauter dürfftigkeit ist / vnd ein
 mensch nimmer satt wirdt: dort sollen alle
 fromme gläubigen / durch niessung des vn-
 endlichen guts / mit langem leben gesettiget
 werden / wann er vns mit der that zeigen/
 schencken / vnd zu geniessen geben wirdt das
 ewig heyl / Welches wir hie im Glauben
 von ferne anschawen / vnd in Christlicher
 bestendiger hoffnung erwarten. Dem
 sey ehr / lob vnd preis / in ewige
 zeit / Amen.

Philipp. 3.

Iohan. 17.

Etliche

Etliche schöne tröstliche sprüch / gezogen auß einer Schrifft / des alten
 Märtyrers Cypriani / die er in
 sterbens leufften gestelt hat.

Tractatu de
 mortalit.

DAmmit wir arme menschen nit durch
 onversehene zufäll betrübt vnd erschreckt
 würden / hat vns der liebe Gott gnugsam
 gewarnet / was es für eine gelegenheit haben
 werde in disem leben / vnd wie er vnser
 sünde züchtigen / vnd doch darneben seiner
 barmhertzigkeit keines wegs vergessen werde.
 Gleich nun wie die zuvor verkündigte straffen
 vnd trübsalen vns widerfahren: also wirdt die
 zugesagte hüff vnd erlösung nicht aussen
 bleiben / vnd hat vns sonderlich der
 getreuwe Heyland Christus Luc. 21.
 erinnert / ie mehr die trübsalen in den
 letzten tagen sich häuffen / ie mehr sollen wir
 vnser haupt empor heben / muht vnd hoffnung
 schöpfen / daß sich der tag der erlösung
 naht. Vnd was ist doch in diesem elenden
 leben / dann ein steter kampff wider den
 teufel vnd seine giftige anleuff. Izt haben wir
 mit bösen leuten zu thun / icht mit vnserm
 eignen fleisch / wider hoffart / geiz / vngedult
 / vnzucht / trunckenheit / vnd dergleichen
 laster zu streiten. Wer solte lust haben vnter
 solche pfeiler des Teufels / vnd grosse ge-

fährlich: ansechtung lang zu wohnen. Wie
 Dañ Christus selber vns gewarnet hat/ Wir
 werden in der welt heulen vnd weinen. Vñ
 ob er schon vns auch hie auff erdē tröstet: ie
 doch ist es gewis/ daß wir erst ein rechte vollen
 kömme freude werden haben bey dem Her-
 ren Christo/ wann wir sein lieblich anges-
 sicht anschawen werden. Du frommer
 Christ/ es sol dich die forcht Gottes vnd der
 Glaub zu allem fertig vnd willig machen/
 es sey verlust deiner güter / oder deiner
 freunde / kinder vñnd verwandten abschied
 auß diser welt / es sey greulicher schmerz in
 deinen glidern: Das sol dir keinen stoß / oder
 ärgernus geben / sonder vil mehr ein probir-
 rung vnd vbung deines glaubens vnd dei-
 ner gedult seyn / Vnd sol dasselbig alles den
 Glauben nicht dempffen / sondern vil mehr
 desselbigen krafft herfür ziehen / demnach
 die hoffnung vnd erwartung der ewigen gü-
 ter / vns leicht machen sol die zeitliche trüb-
 sal vnd vngelegenheit. Ein zarter ruhm ist
 es / wann es wol gehet / vnd kein gefahr vor-
 handen ist: Wann ein rauher wind gehet/
 merck̄t man welche bäum tieff eingewurzelt
 seind: Vnd wan ein vngestämme auff dem
 meer sich erhebt / gibt der Schiffpatron sei-
 ne kunst zu erkennen. Wir seind in der
 war

warheit vndanckbar gegen Gott/ wann wir
 vns nicht freuwen/ da er vns wil guts thun/
 vnd zu einer ewigen ruhe auß diser argen
 welt / vnd auß disem jamerthal erfordern.
 Holet er deine tochter auß diser welt / ey so
 ist sie wol versehen / Vnd hast keine sorg
 mehr/ daß sie verführt werde/ oder vbel vers
 orget. Holet er die kleine kinder/ ey so darffst
 nicht mehr sorgen daß sie in leichtfertigkeit/
 oder böse gesellschaft gerahen/ sie kommen
 in die rechte heilige Hoheschul / da sie volle
 kommene weißheit erlangen.

Man sol auch weiters zu gemüt führen/
 daß eben die schwebende greuliche Pestis
 lens / sein entdeckt vnd probirt / wer GOTT
 vertrauwe/ wer den Nächsten lieb habe/ vnd
 ihm in der not zu dienen willig sey / ob die
 arket ihre francken nicht verlassen/ ob die
 stolzen sich demütigen / Vnd in
 summa/ ob wir Gott
 fürchten.

Bis hieher Gyprianus,

E N D E.

In nomine domini Amen
 Nos Johannes de ...
 ...
 ...
 ...
 ...
 ...
 ...
 ...
 ...
 ...

In nomine domini Amen
 Nos Johannes de ...
 ...
 ...
 ...
 ...
 ...
 ...
 ...
 ...

In nomine domini Amen

...